




ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՇԽԱՏԱԿԱԶՄ

«ԳՆՈՒՄՆԵՐԻ ԱԶԱԿՑՄԱՆ ԿԵՆՏՐՈՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ

«19» սեպտեմբերի 2016թ.

Հաստատում եմ՝

«Գնումների աջակցման կենտրոն» ՊՈԱԿ-ի պետ

 Մ. Անանյան

ԳԲԽ-96/16 բողոքը քննող

հանձնաժողովին

Ե Ջ Ր Ա Կ Ա Ց ՈՒ Թ Յ ՈՒ Ն

Ղեկավարվելով «Գնումների մասին» ՀՀ օրենքի 16-րդ հոդվածի 1-ին մասի 8-րդ կետով, ՀՀ կառավարության 31.10.2002թ. N 1904-Ն որոշմամբ հաստատված «Գնումների աջակցման կենտրոն» ՊՈԱԿ-ի կանոնադրության 12-րդ կետի 8-րդ ենթակետով, ինչպես նաև ուսումնասիրելով «Մագտոնի» ՍՊԸ-ի 02.09.2016թ. «Գնումների աջակցման կենտրոն» ՊՈԱԿ-ին ներկայացրած բողոքը՝ պարզել ենք հետևյալը.

1. «Մագտոնի» ՍՊԸ-ի ներկայացրած փաստերը, հիմնավորումները և պահանջը

«Մագտոնի» ՍՊԸ-ն (այսուհետ նաև՝ Ընկերություն) 02.09.2016թ. ներկայացրած բողոքով հայտնել է, որ «Նորք-Մարաշ» ԲԿ ՓԲԸ-ի կողմից բժշկական նշանակության ապրանքների և նյութերի ձեռքբերման նպատակով կազմակերպվել է «ՆՄԲԿ-ՇՀԱՊԶԲ-16/18» ծածկագրով շրջանակային համաձայնագրերի միջոցով գնում կատարելու ընթացակարգ (այսուհետ նաև՝ Ընթացակարգ):

Ընթացակարգի գնահատող հանձնաժողովը 25.08.2016թ կայացած նիստի թիվ 3 որոշումով գնման ընթացակարգի թիվ 2, 50, 51 և 53-րդ չափաբաժիններով հաղթող է ճանաչել «Խաչպար» ՍՊԸ-ին և նույն նիստի թիվ 4 որոշմամբ հաստատել նշված չափաբաժիններով պայմանագիր կնքելու մասին որոշումը: «Մագտոնի» ՍՊԸ-ն գտնում է, որ գնահատող հանձնաժողովը պետք է ամփոփեր «Խաչպար» ՍՊԸ-ի հայտի գնահատման արդյունքները նշված չափաբաժիններով, և միայն ամբողջական հայտի բավարար գնահատելուց հետո կարող էր ճանաչել ընտրված մասնակից: Միաժամանակ «Մագտոնի» ՍՊԸ-ն գտնում է, որ «Խաչպար» ՍՊԸ-ի ամբողջական հայտը չի կարող գնահատվել բավարար, քանի որ առկա է առաջարկված ապրանքների տեխնիկական բնութագրերի անընդունելի տարբերություններ:

«Մագտոնի» ՍՊԸ-ն բողոքով խնդրել է դադարեցնել «ՆՄԲԿ-ՇՀԱՊՁԲ-16/18» ծածկագրով գնման ընթացակարգի գնահատող հանձնաժողովի 25.08.2016թ կայացած նիստի «Խաչպար» ՍՊԸ-ին ընթացակարգի թիվ 2, 50, 51 և 53-րդ չափաբաժիններով հաղթող ճանաչելու վերաբերյալ թիվ 3 որոշումը և նշված չափաբաժինների մասով «Խաչպար» ՍՊԸ-ի հետ պայմանագիր կնքելու մասին որոշումը: Պահանջել գնահատող հանձնաժողովից իրականացնել «Խաչպար» ՍՊԸ-ի հայտի ամբողջական գնահատում: Միաժամանակ Ընկերությունը խնդրում է կասեցնել պայմանագիր կնքելու գործընթացը՝ կիրառելով ժամանակավոր միջոց:

«Մագտոնի» ՍՊԸ-ն որպես բողոքի իրավական հիմք նշել է հետևյալը.

«Գնումների մասին» ՀՀ օրենքի (այսուհետ նաև՝ Օրենք) 31-րդ հոդվածի՝

• 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

• 5-րդ մասի 2-րդ կետի համաձայն՝ առաջին և հաջորդաբար տեղերը զբաղեցրած մասնակիցներին որոշելուց հետո՝ հրավերով սահմանված ժամկետում հանձնաժողովը գնահատում է սույն մասի 1-ին կետի համաձայն ներկայացված փաստաթղթերի (տեղեկությունների) համապատասխանությունը հրավերով սահմանված պահանջներին, և, հրավերով սահմանված դեպքերում ու կարգով, գնահատում է տվյալ մասնակցի գնային և ոչ գնային (տեխնիկական) առաջարկի հիմնավորվածությունը:

•6-րդ մասի համաձայն՝ հայտը գնահատվում է բավարար, եթե նույն հոդվածի 5-րդ մասի համաձայն ներկայացված տվյալները բավարարում են հրավերով սահմանված պահանջները: Նման դեպքում մասնակիցը հայտարարվում է ընտրված:

Օրենքի 3-րդ հոդվածի 1-ին մասի 1-ին կետի համաձայն՝ նույն օրենքի նպատակն է ապահովել գնումների գործընթացում հատուցման դիմաց արժեք, այն է՝ պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերում՝ համարժեք հատուցմամբ:

Գնման ընթացակարգի հրավերի նախաբանում նշված է, որ նույն հրավերը կազմվել է գնումների մասին ՀՀ օրենսդրության, այդ թվում՝ «Գնումների մասին» ՀՀ օրենքի, ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի և այլ իրավական ակտերի պահանջներին համապատասխան և նպատակ ունի Պատվիրատուի կողմից հայտարարված ընթացակարգին մասնակցելու մտադրություն ունեցող անձանց տեղեկացնելու ընթացակարգի պայմանների՝ գնման առարկայի, ընթացակարգի անցկացման, հաղթողին որոշելու և նրա հետ պայմանագիր կնքելու մասին, ինչպես նաև օժանդակելու ընթացակարգի հայտը պատրաստելիս:

«Դեղերի մասին» ՀՀ օրենքի 1-ին հոդվածի համաձայն.

Նույն օրենքում օգտագործվում են հետևյալ հիմնական հասկացությունները՝

ա) դեղ՝ կենսաբանական ակտիվությամբ օժտված կշռաչափված միջոց, որն ստացվել է մեկ կամ մի քանի դեղանյութերի և օժանդակ նյութերի հիման վրա, ունի ստանդարտ բաղադրություն, անփոփոխ անվանում, անհրաժեշտ դեղաչափ, դեղաձև և ձևավորում: Այն նախատեսվում է մարդու և կենդանու հիվանդությունների բուժման, ախտորոշման, կանխարգելման, անզգայացման, հղիության կանխման համար, ազդում է օրգանիզմի ֆունկցիաների վրա:

Դեղեր են համարվում նաև՝ հականեխիչ միջոցները (անտիսեպտիկներ)՝ վարակիչ և մակաբուծային հիվանդությունների հարուցիչները, ինչպես նաև դրանց փոխանցողներին ոչնչացնող կամ վերացնող միջոցները, վարակազերծիչ միջոցները՝ հակամանրէային ակտիվությամբ օժտված նյութերը, որոնք օգտագործվում են բժշկական նշանակության առարկաների վարակազերծման համար:

Ընկերությունը նշել է նաև, որ գնման ընթացակարգի հրավերով նախատեսված 2, 50, 51 և 53-րդ չափաբաժինների տեխնիկական բնութագրերում ներկայացված են ապրանքի ազդող նյութերը, դրանց չափաբաժինները, կիրառման նպատակները Պատվիրատուի մոտ և այդ նպատակի իրականացման համար անհրաժեշտ նյութերի քանակները՝ գնման առարկայի անհրաժեշտ քանակը:

«Խաչպար» ՍՊԸ-ն մասնակցելով գնման ընթացակարգի թիվ 2, 50, 51 և 53-րդ չափաբաժիններին ներկայացրել է՝ ըստ իրեն «համարժեք» ապրանքներ:

Գնահատող հանձնաժողովը 27.07.2016թ. կայացած նիստին ճիշտ է գնահատել համարժեքությունը՝ դիտարկելով ապրանքների և ազդող նյութերը և վերջնական սպառման համար անհրաժեշտ ստացվող լուծույթների քանակական տարբերությունները և մերժել «Խաչպար» ՍՊԸ-ի հայտը: Սակայն հետո վերանայել է իր որոշումը և 25.08.2016թ կայացած նիստին առանց հայտը բավարար գնահատելու «Խաչպար» ՍՊԸ-ին ճանաչել է հաղթող՝ խախտելով վերը նշված իրավական ակտերի դրույթները:

«Մագտոնի» ՍՊԸ-ն տեղեկացրել է նաև, որ դեղ համարվող երկու իրարից տարբերվող նյութերը չի կարելի համարել իրար համարժեք փոխարինելի՝ առանց դիտարկելու ազդող նյութերի և դրանց չափաբաժինների համապատասխանությունը: Դա նման է այն բանի, որ նույն ֆարմակոլոգիական խմբին պատկանող տարբեր ազդող նյութերով տարբեր դեղերը համարենք միմյանց համարժեք փոխարինելի: Բժշկության ոլորտում դա անընդունելի է: Դա հաստատվում է նաև «ՀՀ պետական բյուջեի և այլ միջոցների հաշվին գնվող դեղերի տեխնիկական բնութագրերի կազմման չափորոշիչները հաստատելու մասին» ՀՀ կառավարության 02.05.2013թ թիվ 502-Ն որոշմամբ:

Գնման ընթացակարգում համարժեքությունը գնահատելիս՝ պարտադիր պետք է համեմատվեն նաև պատվիրատուի կողմից նախատեսված քանակները և մասնակցի կողմից կատարված քանակական առաջարկը՝ եթե այդպիսին առկա է, համեմատման հիմքում դնելով ապրանքի վերջնական սպառման տեսքը, չափը և այլ, սույն դեպքում նաև ստացվող այն աշխատանքային լուծույթի քանակը, որը ապահովում է պատվիրատուի կարիքին համապատասխան քանակ (օրենքի 3-րդ հոդվածի դրույթ) : Ներկայացնենք հրավերով նախատեսված և <<Խաչպար>> ՍՊԸ-ի կողմից

առաջարկված ապրանքների ամբողջական համեմատականը աղյուսակի տեսքով:
Նշենք նաև որ համեմատական աղյուսակում տվյալները վերցված են ՀՀ առողջապահության նախարարության կողմից հաստատված մեթոդական հրահանգներից, որոնք հանդիսանում են ախտահանիչ նյութերի համար պարտադիր պայման և որոնցով պարտավոր են առաջնորդվել Պատվիրատուները նյութը կիրառելուց: «Մագտոնի» ՍՊԸ-ն ընդունում է, որ այդ տարբեր արտադրողների տարբեր ապրանքները կիրառվում են նույն ոլորտում և նույն նպատակին, բայց միայն դա չի կարող հիմք հանդիսանալ միմյանց «համարժեք» փոխարինելի համարելու համար:

Չափաբաժնի համարը	Հրավերով նախատեսված նյութի տվյալները	Մասնակցի առաջարկված նյութի տվյալները	Համեմատման արդյունքները և համարժեք համարելու դեպքում խախտվող իրավական ակտերի դրույթները
2	Ախտահանիչ նյութ Պրեսեպտ կամ համարժեք	Ախտահանիչ նյութ Դիմաքս քլոր	Տարբեր չափաբաժիններով ազդող նյութեր և Պատվիրատուի կարիքից քիչ (քանակական) առաջարկ: Օրենքի 3-րդ, հոդված և «Դեղերի մասին» ՀՀ օրենքի 1-ին հոդված
	Պահանջված քանակը 60000 հատ	Առաջարկված քանակը 60000 հատ	
	Ազդող նյութ է հանդիսանում դիքլորիզոցիանի նատրումական աղը, որը կազմում է հաբի քանակության 50%-ը: Հաբը կշռում է 5 գրամ, որի մեջ ազդող նյութի քանակը 2,5 գրամ է, 1 հաբի լուծման ժամանակ անջատվում է մինչև 1,76գ ակտիվ քլոր	Ազդող նյութ է հանդիսանում դիքլորիզոցիանուրային թթվի նատրումական աղը : Հաբը կշռում է 2.7 գրամ, որի 1 հաբի լուծման ժամանակ անջատվում է 1.5գ ակտիվ քլոր:	
50	Պատվիրատուի մոտ կիրառվող լուծույթը՝ ըստ մեթոդական հրահանգի 0.168%-անոց է, որի համար ծախսվում է 12 հաբ 10լ ջրին:	Առաջարկված ապրանքի կիրառումը ըստ մեթոդական հրահանգի նույն նպատակին՝ 0.2 %-անոց լուծույթով է, որի դեպքում ծախսվում է 14 հաբ 10լ ջրին, ընդ որում որքան բարձր է քլորի տոկոսը, այնքան բարձր է շնչառական օրգանների առաջացող զրգովածությունը:	Տարբեր չափաբաժիններով տարբեր ազդող նյութեր «Դեղերի մասին» ՀՀ օրենքի 1-ին հոդված
	Պահանջված քանակը 5 հատ 3.8 լիտրանոց գործարանային տարայով	Առաջարկված քանակը 5 հատ 5 լիտրանոց գործարանային տարայով	
	Ազդող նյութը օրտո-ֆտալալդեհիդ է 0,55% չափաքանակով:	Ազդող նյութը գլյուտարային ալդեհիդ է 2.7% չափաքանակով:	
	Պատվիրատուի մոտ կիրառվող լուծույթը ըստ մեթոդական	Առաջարկված ապրանքի կիրառումը ըստ մեթոդական	

	հրահանգի՝ արտադրանքը նույնությամբ առանց փոփոխության	հրահանգի՝ արտադրանքը նույնությամբ առանց փոփոխության	
51	Ախտահանիչ նյութ Անիոգիմ ԴԴ-1 խտանյութ կամ համարժեքը	Ախտահանիչ նյութ Մեգաբակ	Տարբեր չափաբաժիններով տարբեր ազդող նյութեր:
	Պահանջված քանակը 100 հատ 1 լիտրանոց գործարանային տարայով:	Առաջարկված քանակը 100 հատ 1 լիտրանոց գործարանային տարայով:	Պատվիրատուի կարիքից մինչև վեց անգամ քիչ (քանակական) առաջարկ:
	Ազդող նյութը Գուանիդին, N,N-դիդեցիլ-N-մեթիլ-պոլի(օքսիէթիլ)ամոնիումի պրոպիոնատ- 6,3%, պոլիհեքսամեթիլենբիգուանիդին հիդրոքլորիդ 0,96%, (ՉԱՄ-5րդ սերնդի), ինչպես նաև ֆունկցիոնալ հավելումներ, եռէնգիմային կոմպլեքս(լիպազա, ալֆա-ամիլազա, պրոտեազա) մակերևութային ակտիվ նյութեր՝ ՄԱՆ-եր: Թթվահիմնային ցուցանիշը՝ PH, 6.0 միավոր է:	Ազդող նյութը դիդեցիլդիմեթիլամոնիումի քլորիդ 7.5+0.5%, Ն,Ն-բիս (3-ամինոպրոպիլ) դիդեցիլամին 5.0+0.5%, պոլիհեքսամեթիլենբիգուանիդ հիդրոքլորիդ 2.5+0.5%, ֆունկցիոնալ և տեխնոլոգիական բաղադրիչներ, այդ թվում ոչ իոնազեն մակերևութային ակտիվ նյութեր՝ ՄԱՆ-եր, կոռոզիայի ընկճիչ, ջրի կոնդիցիոներ, հոտավետիչ, գունավորիչ և թորած ջուր: Թթվահիմնային ցուցանիշը՝ PH, 10.5 + 1.5 միավոր է:	Օրենքի 3-րդ, հոդված և «Դեղերի մասին» ՀՀ օրենքի 1-ին հոդված
	Պատվիրատուի մոտ ախտահանիչ նյութը նախատեսված է բժշկական նշանակության գործիքների, էնդոսկոպների՝ ախտահանում, նախամանրէազերծումային և էնգիմատիկ մաքրում, երեքը մեկում միաժամանակ 15րոպեի ընթացքում: Կիրառվող լուծույթը ըստ մեթոդական հրահանգի՝ 0.5%-անոց, որը ապահովում է, մանրէային (այդ թվում նաև տուբերկուլյոզի), վիրուսային (այդ թվում նաև պոլիոմեխտից), կանդիդոզներից և դերմատոֆիտիայից վարակազերծումը մինչև 15 րոպեում:	Առաջարկված ապրանքի կիրառումը ըստ մեթոդական հրահանգի՝ բժշկական նշանակության գործիքների, էնդոսկոպների՝ ախտահանում և նախամանրէազերծումային մաքրում: Ախտահանման տարբեր գործընթացներում կիրառվող տարբեր %-անոց աշխատանքային լուծույթներով: Նույն 15 րոպե ժամանակահատվածում վիրահատական գործիքները ախտահանելու համար համաձայն մեթոդական հրահանգի նախատեսվում է 1 %-անոց լուծույթի կիրառում, որի դեպքում ստացվում է հրավերով նախատեսվածից երկու անգամ պակաս քանակով աշխատանքային լուծույթ, իսկ տուբերկուլյոզի ժամանակ պատրաստվում է 3%-անոց լուծույթ և ախտահանումը տևում է առնվազն 60րոպե, այսինքն նախատեսվածից վեց անգամ	

		շատ խտանյութի ծախս և ժամանակի անընդունելի կորուստ: Մեթոդական հրահանգի թիվ 17,18,21,22 աղյուսակներ:	
53	Ախտահանիչ նյութ Հեքսանիոս Գ+Ռ կամ համարժեքը	Ախտահանիչ նյութ Մեգաբակ	Տարբեր չափաբաժիններով տարբեր ազդող նյութեր: Պատվիրատուի կարիքից մինչև վեց անգամ քիչ (քանակական) առաջարկ:
	Պահանջված քանակը 300 հատ 1 լիտրանոց գործարանային տարայով:	Առաջարկված քանակը 300 հատ 1 լիտրանոց գործարանային տարայով:	
	Ազդող նյութը 9.75% դիդեցիլդի-մեթիլամոնիումի քլորիդ, 1% պոլիհեքսամեթիլեն (ՉԱՄ-4րդ սերնդի), գուանիդին, ինչպես նաև գործառնական բաղադրիչներ, կոռոզիայի ինհիբիտոր, և այլ հավելյալ նյութեր: Ախտահանիչ նյութի pH-ը 6,3 - 7,7 է, որը ևս ապահովում է համատեղելիություն տարբեր մատերիալների և նյութի միջև:	Ազդող նյութը դիդեցիլդիմեթիլամոնիումի քլորիդ 7.5+0.5%, Ն,Ն-բիս (3-ամինոպրոպիլ) դիդեցիլամին 5.0+0.5%, պոլիհեքսամեթիլենիգուանիդ հիդրոքլորիդ 2.5+0.5%, ֆունկցիոնալ և տեխնոլոգիական բաղադրիչներ, այդ թվում ոչ իոնազեն մակերևույթային ակտիվ նյութեր՝ՄԱՆ-եր, կոռոզիայի ընկճիչ, ջրի կոնդիցիոներ, հոտավետիչ, գունավորիչ և թորած ջուր: Թթվահիմնային ցուցանիշը՝ PH, 10.5 + 1.5 միավոր է:	Օրենքի 3-րդ, հոդված և «Դեղերի մասին» ՀՀ օրենքի 1-ին հոդված
	Ախտահանիչ նյութը նախատեսված է բժշկական նշանակության գործիքների, էնդոսկոպների ախտահանման և նախամանրէազերծումային մաքրման համար, երկուսը մեկում միաժամանակ 15 րոպեի ընթացքում: Կիրառվող լուծույթը ըստ մեթոդական հրահանգի՝ 0.5%-անոց, որը ապահովում է, բակտերիալ (այդ թվում նաև տուբերկուլյոզից), վիրուսային, կանդիդոզներից և դերմատոֆիտիայից վարակազերծումը մինչև 15 րոպեում:	Առաջարկված ապրանքի կիրառումը ըստ մեթոդական հրահանգի՝ բժշկական նշանակության գործիքների, էնդոսկոպների՝ ախտահանում և նախամանրէազերծումային մաքրում: Ախտահանման տարբեր գործընթացներում կիրառվող %-անոց աշխատանքային լուծույթներով: Նույն 15 րոպե ժամանակահատվածում վիրահատական գործիքները ախտահանելու համար համաձայն մեթոդական հրահանգի նախատեսվում է 1 %-անոց լուծույթի կիրառում, որի դեպքում ստացվում է հրավերով նախատեսվածից երկու անգամ պակաս քանակով աշխատանքային լուծույթ, իսկ տուբերկուլյոզի ժամանակ պատրաստվում է 3%-անոց լուծույթ և ախտահանումը տևում է առնվազն 60րոպե, այսինքն	

		նախատեսվածիք վեց անգամ շատ խտանյութի ծախս և ժամանակի անընդունելի կորուստ: Մեթոդական հրահանգի թիվ 17,18,21,22 աղյուսակներ:	
--	--	--	--

Ընկերությունը ներկայացրած բողոքում նշել է, որ ԳԲԽ-80/16 բողոքի շրջանակներում «Գնումների աջակցման կենտրոն» ՊՈԱԿ-ը դիմել է ՀՀ առողջապահության նախարարությանը՝ ապրանքների համարժեքության վերաբերյալ եզրակացություն ստանալու նպատակով՝ հարցման բովանդակությունում ներառելով ոչ միայն նյութերի կիրառման ոլորտների ու նպատակների, ախտահանման սպեկտրի համեմատությունը, այլ նաև տեխնիկական բնութագրերով նյութերից ստացվող՝ միևնույն նպատակին օգտագործվող աշխատանքային լուծույթի խտությունը դիտարկելու կարևորությունը: Նախարարության պատասխան նամակում նշվել է, որ «սանիտարահամաճարակային հսկողության ենթակա ապրանքները, ունենալով մանրէասպան, սնկասպան, վիրուսասպան հատկություն, պարունակում են որոշակի ազդող նյութեր, կոնկրետ չափաբաժիններով և եթե դրանք նույնն են, ապա այդ ախտահանիչ միջոցները համարժեք են, այսինքն՝ փոխադարձ փոխարինելի»: Սակայն գրությանը կից համեմատականում ներկայացված ապրանքների ոչ ազդող նյութերի և ոչ էլ դրանց չափաբաժինների համեմատություն չի կատարվել, չի իրականացվել պատվիրատուի կարիքին ծառայող վերջնական սպառման ապրանքի քանակական համեմատությունը հրավերով նախատեսվածի և մասնակցի առաջարկածի միջև, չեն դիտարկվել աշխատանքային լուծույթների խտությունները, այսինքն Նախարարությունը լիարժեք չի պատասխանել գնումների աջակցման կենտրոնի հարցմանը, այլ միայն համեմատվել են կիրառման ոլորտը, նպատակը և ախտահանման սպեկտրը: «Մագտոնի» ՍՊԸ-ն կարծում է, որ ՀՀ առողջապահության նախարարության համեմատականում տեղի է ունեցել խմբագրական վրիպակ: Արդյունքում տարբեր ազդող նյութեր և դրանց տարբեր չափաբաժիններ ունեցող ապրանքները, ինչպես նաև քիչ քանակով առաջարկը շատ քանակով նախատեսվածին որակվել են որպես միմյանց համարժեք և «Խաչպար» ՍՊԸ-ի բողոքը բավարարվել է: «Մագտոնի» ՍՊԸ-ն գտնում է, որ ՀՀ առողջապահության նախարարություն կրկին հարցում կատարելով և լիարժեք համեմատություն

պահանջելով՝ բողոքարկման խորհուրդը կարող է ստանալ համարժեքության մասին լիարժեք պատասխան:

2. «Նորք-Մարաշ» ԲԿ ՓԲԸ-ի կողմից բողոքների վերաբերյալ ներկայացված փաստերը և հիմնավորումները

«Նորք-Մարաշ» ԲԿ ՓԲԸ-ն Կենտրոնին է ներկայացրել 17.08.2016թ. թիվ 08-258 գրությունը ուղղված ՀՀ առողջապահության նախարարությանն և վերջինիս 09.09.2016թ. թիվ ԱԿ/22.2/9887-16 գրությունը, որով նկարագրված են ախտահանիչ նյութերի այն ցուցանիշները, որոնք համադրվում են ախտահանիչ նյութերի համարժեքությունը գնահատելիս:

3. ԳԲԽ-96/16 բողոքի քննության համար էական նշանակություն ունեցող փաստերը

ԳԲԽ-96/16 բողոքի քննության համար էական նշանակություն ունեն հետևյալ փաստերը՝

1. «Նորք-Մարաշ» ԲԿ ՓԲԸ-ի կողմից բժշկական նշանակության ապրանքների և նյութերի ձեռքբերման նպատակով կազմակերպվել է «ՆՄԲԿ-ՇՀԱՊԶԲ-16/18» ծածկագրով շրջանակային համաձայնագրերի միջոցով գնում կատարելու ընթացակարգ (այսուհետ նաև՝ Ընթացակարգ), որին մասնակցելու նպատակով, ի թիվս այլ ընկերությունների, Ընթացակարգի 2-րդ, 50-րդ, 51-րդ և 53-րդ չափաբաժինների մասով հայտ են ներկայացրել նաև «Մագտոնի» ՍՊԸ-ն և «Խաչպար» ՍՊԸ-ն:

2. Ընթացակարգի հրավերի համաձայն՝ 2-րդ, 50-րդ, 51-րդ և 53-րդ չափաբաժիններով համապատասխանաբար պահանջվել է՝ «Պրեսպտ» կամ համարժեք, «Սայդեքս Օպա» կամ համարժեք, «Անիոզիմ ԴԴ1» կամ համարժեք և «Հեքսանիոս ԳՌ» կամ համարժեք:

3. «Խաչպար» ՍՊԸ-ն Ընթացակարգին մասնակցելու նպատակով 2-րդ չափաբաժնի համար առաջարկել է՝ «Պրեսպտ»-ի համարժեք՝ «Դիմաքս քլոր», 50-րդ չափաբաժնի համար՝ «Սայդեքս Օպա»-ի համարժեք՝ «Ստերոքս», 51-րդ չափաբաժնի համար՝

«Անիոգիմ ԴԴ1»-ի համարժեք՝ «Մեգաբակ», 53-րդ չափաբաժնի համար՝ «Հեքսանիոս ԳՌ»-ի համարժեք՝ «Մեգաբակ»:

4. ԳԲԽ-80/16 բողոքի շրջանակներում բողոքում նշված ախտահանիչ միջոցների համարժեքության վերաբերյալ եզրակացություն ստանալու նպատակով Կենտրոնը 03.08.2016թ. գրությամբ դիմել է ՀՀ առողջապահության նախարարություն, կից ներկայացնելով՝ «Պրեսեպտ», «Սայդեքս Օպա», «Անիոգիմ ԴԴ1», «Հեքսանիոս ԳՌ» ախտահանիչ միջոցների ՀՀ առողջապահության նախարարի հրամաններով հաստատված մեթոդական հրահանգները՝ խնդրելով տալ համապատասխան եզրակացություն վերոհիշյալ ախտահանիչ միջոցների կիրառման ոլորտների ու նպատակների, ախտահանման սպեկտրների՝ մանրէասպան, վիրուսասպան և սնկասպան հատկությունների համարժեքության վերաբերյալ, ինչպես նաև ախտահանիչ միջոցների տեխնիկական բնութագրերով, տվյալ ախտահանման միջոցից ստացվող՝ միևնույն նպատակներով օգտագործվող աշխատանքային լուծույթի խտությունը, որպես ելակետային չափանիշ ընդունելու հարցը, ինչը կնպաստի գնումների գործընթացի ավելի տնտեսող, արդյունավետ և օգտավետ իրականացմանը:

5. Գնումների աջակցման կենտրոն» ՊՈԱԿ-ի 03.08.2016թ. գրությանն ի պատասխան՝ 15.08.2016թ. ԱԿ 9003-16 գրությամբ ՀՀ առողջապահության նախարարությունը հայտնել է, որ սանիտարահամաճարակային հսկողության ենթակա ապրանքները, ունենալով մանրէասպան, սնկասպան, վիրուսասպան հատկություն, պարունակում են որոշակի ազդող նյութեր, կոնկրետ չափաբաժիններով և եթե դրանք նույնն են, ապա այդ ախտահանիչ միջոցները համարժեք են, այսինքն՝ փոխադարձ փոխարինելի:

Գրությամբ ներկայացված է տեղեկատվություն խնդրո առարկա հանդիսացող ախտահանիչ միջոցների կիրառման ոլորտների ու նպատակների ախտահանման սպեկտրների վերաբերյալ, ինչպես նաև տրված է գնահատական թե կոնկրետ, որ ախտահանիչ միջոցներն են միմյանց հետ համարժեք, այսինքն՝ փոխադարձ փոխարինելի:

Համաձայն ՀՀ առողջապահության վերը նշված գրության՝ «Պրեսեպտ», «Սայդեքս Օպա», «Անիոգիմ ԴԴ1», «Հեքսանիոս ԳՌ» ախտահանիչ միջոցները

համարժեք են «Խաչապար» ՍՊԸ-ի կողմից թիվ 2, 50, 51 և 53-րդ չափաբաժիններով ներկայացված «Դիմաքս քլոր», «Ստերոքս», «Մեգաբակ» ախտահանիչ միջոցներին:

6. ՀՀ գնումների բողոքարկման խորհուրդը՝ ի դեմս ԳԲԽ-80/16 բողոքը քննող հանձնաժողովի, հիմք ընդունելով ՀՀ առողջապահության նախարարության 15.08.2016թ. ԱԿ 9003-16 գրությունը՝ «Խաչապար» ՍՊԸ-ի 29.07.2016թ. ներկայացված բողոքը բավարարել է մասնակի, մասնավորապես՝ դադարեցրել է Ընթացակարգի գնահատող հանձնաժողովի 27.07.2016թ. թիվ 11 արձանագրության 1-ին կետով՝ թիվ 2-րդ, 50-րդ, 51-րդ և 53-րդ չափաբաժինների մասով «Խաչապար» ՍՊԸ-ի հայտը մերժելու մասին որոշումը, իսկ Ընթացակարգի գնահատող հանձնաժողովի 27.07.2016թ. թիվ 11 արձանագրության 1-ին կետով՝ թիվ 52-րդ չափաբաժնի մասով «Խաչապար» ՍՊԸ-ի հայտը մերժելու մասին որոշումը դադարեցնելու վերաբերյալ պահանջը մերժել է:

7. Ընթացակարգի գնահատող հանձնաժողովը 25.08.2016թ. թիվ 12 արձանագրության 2-րդ կետի «գ» պարբերության համաձայն՝ «Խաչապար» ՍՊԸ-ին հայտով ներկայացված թիվ 2-րդ, 50-րդ, 51-րդ և 53-րդ չափաբաժինների մասով ճանաչել է հաղթող մասնակից:

4. ԳԲԽ-96/16 բողոքը քննող հանձնաժողովին «Գնումների աջակցման կենտրոն» ՊՈԱԿ-ի կողմից ներկայացվող հիմնավորումները և եզրահանգումը

«Գնումների աջակցման կենտրոն» պետական ոչ առևտրային կազմակերպությունը, ուսումնասիրելով «Մագտոնի» ՍՊԸ-ի 02.09.2016թ. ներկայացրած բողոքը, «Նորք-Մարաշ» ԲԿ ՓԲԸ-ի 17.08.2016թ. թիվ 08-258 գրությունը ուղղված ՀՀ առողջապահության նախարարությանն և վերջինիս 09.09.2016թ. թիվ ԱԿ/22.2/9887-16 գրությունը, Ընթացակարգին վերաբերող բոլոր անհրաժեշտ փաստաթղթերը, Ընթացակարգի հրավերը (այսուհետ նաև՝ Հրավեր), և հիմք ընդունելով ՀՀ առողջապահության նախարարության 15.08.2016թ. ԱԿ 9003-16 գրությունը, հայտնում է հետևյալը.

Օրենքի 12-րդ հոդվածի 2-րդ մասի համաձայն գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

Օրենքի 31-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ԳԲԽ-80/16 բողոքի շրջանակներում բողոքում նշված ախտահանիչ միջոցների համարժեքության վերաբերյալ եզրակացություն ստանալու նպատակով Կենտրոնը 03.08.2016թ. գրությամբ դիմել է ՀՀ առողջապահության նախարարություն, կից ներկայացնելով՝ «Պրեսեպտ», «Սայդեքս Օպա», «Անիոզիմ ԴԴ1», «Հեքսանիոս ԳՌ» ախտահանիչ միջոցների ՀՀ առողջապահության նախարարի հրամաններով հաստատված մեթոդական հրահանգները՝ խնդրելով տալ համապատասխան եզրակացություն վերոհիշյալ ախտահանիչ միջոցների կիրառման ոլորտների ու նպատակների, ախտահանման սպեկտրների՝ մանրէասպան, վիրուսասպան և սնկասպան հատկությունների համարժեքության վերաբերյալ, ինչպես նաև ախտահանիչ միջոցների տեխնիկական բնութագրերով, տվյալ ախտահանման միջոցից ստացվող՝ միկնույն նպատակներով օգտագործվող աշխատանքային լուծույթի խտությունը, որպես ելակետային չափանիշ ընդունելու հարցը, ինչը կնպաստի գնումների գործընթացի ավելի տնտեսող, արդյունավետ և օգտավետ իրականացմանը:

Գնումների աջակցման կենտրոն» ՊՈԱԿ-ի 03.08.2016թ. գրությանն ի պատասխան՝ 15.08.2016թ. ԱԿ 9003-16 գրությամբ ՀՀ առողջապահության նախարարությունը հայտնել է, որ սանիտարահամաճարակային հսկողության

ենթակա ապրանքները, ունենալով մանրէասպան, սնկասպան, վիրուսասպան հատկություն, պարունակում են որոշակի ազդող նյութեր, կոնկրետ չափաբաժիններով և եթե դրանք նույնն են, ապա այդ ախտահանիչ միջոցները համարժեք են, այսինքն՝ փոխադարձ փոխարինելի:

Գրությամբ ներկայացված է տեղեկատվություն խնդրո առարկա հանդիսացող ախտահանիչ միջոցների կիրառման ոլորտների ու նպատակների ախտահանման սպեկտորների վերաբերյալ, ինչպես նաև տրված է գնահատական թե կոնկրետ, որ ախտահանիչ միջոցներն են միմյանց հետ համարժեք, այսինքն՝ փոխադարձ փոխարինելի:

Համաձայն ՀՀ առողջապահության վերը նշված գրության՝ «Պրեսեպտ», «Սայդեքս Օպա», «Անիոգլիմ ԴԴ1», «Հեքսանիոս ԳՌ» ախտահանիչ միջոցները համարժեք են «Խաչպար» ՍՊԸ-ի կողմից թիվ 2, 50, 51 և 53-րդ չափաբաժիններով ներկայացված «Դիմաքս քլոր», «Ստերոքս», «Մեգաբակ» ախտահանիչ միջոցներին:

Վերոհիշյալի հիման վրա՝ ԳԲԽ-80/16 բողոքը քննող հանձնաժողովը 17.08.2016թ. կայացրած որոշմամբ «Խաչպար» ՍՊԸ-ի 29.07.2016թ. ներկայացրած բողոքը բավարարել է մասնակի; մասնավորապես՝ դադարեցրել է Ընթացակարգի գնահատող հանձնաժողովի 27.07.2016թ. թիվ 11 արձանագրության 1-ին կետով՝ թիվ 2-րդ, 50-րդ, 51-րդ և 53-րդ չափաբաժինների մասով «Խաչպար» ՍՊԸ-ի հայտը մերժելու մասին որոշումը, իսկ Ընթացակարգի գնահատող հանձնաժողովի 27.07.2016թ. թիվ 11 արձանագրության 1-ին կետով՝ թիվ 52-րդ չափաբաժնի մասով «Խաչպար» ՍՊԸ-ի հայտը մերժելու մասին որոշումը դադարեցնելու վերաբերյալ պահանջը մերժել է:

Ընթացակարգի գնահատող հանձնաժողովը, հիմք ընդունելով ԳԲԽ-80/16 բողոքը քննող հանձնաժողովի 17.08.2016թ. որոշումը, 25.08.2016թ. թիվ 12 արձանագրության 2-րդ կետի «գ» պարբերության համաձայն՝ որոշել է «Խաչպար» ՍՊԸ-ին հայտով ներկայացված թիվ 2-րդ, 50-րդ, 51-րդ և 53-րդ չափաբաժինների մասով ճանաչել է հաղթող մասնակից:

Ուսումնասիրելով ՀՀ առողջապահության նախարարությանն 09.09.2016թ. թիվ ԱԿ/22.2/9887-16 գրությունը (որով նկարագրված են ախտահանիչ նյութերի այն ցուցանիշները, որոնք համադրում են ախտահանիչ նյութերի համարժեքությունը

գնահատելիս), գտնում ենք, որ Կենտրոնին ուղղված ՀՀ առողջապահության նախարարության 15.08.2016թ. ԱԿ 9003-16 գրությամբ հենց այդ ցուցանիշների համադրության արդյունքում է տրվել եզրակացություն խնդրո առարկա հանդիսացող ախտահանիչ նյութերի համարժեքության վերաբերյալ:


Հաշվի առնելով վերոգրյալը և հիմք ընդունելով ՀՀ առողջապահության նախարարության 15.08.2016թ. ԱԿ 9003-16 գրությունը՝ Կենտրոնը առաջարկում է «Մագտոնի» ՍՊԸ-ի՝ 02.09.2016թ. ներկայացված բողոքը մերժել:

Գնումների աջակցման կենտրոն» ՊՈԱԿ-ի պետի տեղակալ




Հ. Այունց

Գնումների աջակցման և իրավական խորհրդատվության վարչության պետ՝



Հ. Ենգոյան

Գնումների բողոքարկման և ահազանգման բաժնի պետ



Մ. Կատվայան

Գնումների բողոքարկման և ահազանգման բաժնի գլխավոր մասնագետ՝ ԳԲԽ-96/16 բողոքը քննող հանձնաժողովի քարտուղար՝



Լ. Հովակիմյան